

靈寶領教濟度金書卷之二十六

洞微高士開光啟善真人寧全真授
靈寶通玄秘教水南先生林靈真編

科儀立成用品通用

冥府醮儀

步虛 燒香頌

各禮師存念如法

衛靈呪

金真綠霞 煥映三天 飛雲丹霄 諸天控轄

晨輝啓旦 陰翳俱捐 九微震空 五星回旋

萬仙應感 自然妙玄 杳冥散景 分形億千

蒙昧光曜 瑞降壇乾 生死蒙恩 灌鍊金衆

魔王恐懼 合景三田和與道合真

鳴法鼓二十四通

發爐

无上三天玄元始三炁太上老君召出目等

身中三五功曹左右官使者侍香金童傳言

玉女五帝直符直日香官使者各三十六人

出出者嚴粧關啓玄壇天帝神君當召此間

土地里域真官正神巨今正爾燒香奉為某

宣齋意其措情悃具載表文以令關盟三界

善告十方願得

太上十方正真生氣下降流入巨等身中令

巨所啓速達使御

至真无極大道玉皇上帝御前

請稱法位

上啓

具位奉行善齋法事并與臨壇官衆等同誠

地府北陰玄天鄂都大帝東嶽大生天齊仁

聖帝地府恭素妙廣真君地府陰德定休真

君地府洞明普靜真君地府玄德五靈真君

地府最勝耀靈真君地府寶肅昭成真君地

府神變萬靈真君地府无上正度真君地府

飛魔演慶真君地府五化威靈真君十官僚

佐神靈官吏候陰大神五道大神十方道都

大主者九州社令司主者東嶽地府掌亡人

衆主者東嶽地府列曹主執事掾神吏鄂都

九幽地獄主者三十六大地獄主者一十八

大地獄主者三塗五苦无間硤石血湖主者

六道都案主者冥關幽路主執推鞠憲令掾

吏本州城隍司主者本縣城隍司主者當境

土地里域真官遠近廟貌一切威靈伏聞天

地流形營絕網維於九地陰陽御氣羅鄴主

宰於六陰列官洞以雲聯建曹僚而星燦山

川嶽嶺昭昭參贊於神機里域城隍赫赫共

宣於聖憲雖煥雷霆之威今當融雨露之仁

恩凡屬範圍皆歸崇篤公為齊主其開度亡

故事上祈聖澤下拯幽魂緬懷統制之威盍

展司存之敬故陳禱祭肅遵聽存伏望縹緲

旌旗肅前驅而來下翻翻車馬嚴後從以齊

臨不遺應感之私式副翹傾之切俯敢菲供

齊會蘭場其充任激切之至謹稽首再拜奉

請

請聖 初獻

重稱法位

具位兼上啓

地府北陰玄天鄂都大帝地府十官真君冥

闕幽路一切威靈伏聞道與春生啓慶雲於

東極感符秋殺凝昏霧於地都由群形有迷

悟之分故一氣有昇沈之異定于定奪廓冰

鑿以无私權死權生昭水衡而有進雖司地
禁實極天章今齋主其仰慮亡故其累劫以
來稟生之後五賊剪鑿二寇紛營舌在堪詩
罔悟是非之顛倒目誠可羨豈思空色之回
環身貪錦繡以裝嚴耳悅官商而遊戲經營

縱意業徒積於倉箱暴殄任情究已尋於刀
机昧臨民之節操失修已之綱常主忝必書
名久刊於黑簡錙錄備錄愆已掛於玄曹茫
茫四大之分離香香九幽之遍歷匪錄提拯
曷俾超凌鶴放羅敷已陽回於夜壑鴻恩汪
滅諒春滿於寒庭仰承天尊之靈光為廓地
祇之幽暗罪无大小均落滅於惡根遇有顯
微溥蕩除於業帝永辭異鬱徑上朱陵蒙如
丹禱之私允藉洪恩之被芝蘭散景黍稷非
馨庸殫一縷之忱恪副九光之燭其不勝虔
禱之至

亞獻

具位某謹上啓

杜陰玄天鄴都大帝地府十宮具君冥關幽
路一切威靈伏聞千神效職鄴城乃職憲之

都曹萬鬼成群泉曲為群精之會府羅山峻
極深幽深中疑金碧之流輝上登空青而
耀映孰主張是有杜帝之神庭式輔翼之儼
東皇之望嶽鐵靈鏢千尋之峻銅關張萬仞
之崇威令凜如條章肅若今齋主其請命膏
極肆赦朔單慈恩提應度之魂膏澤被見囚
之爽三塗五苦期均淡於陽華六洞十宮冀
溥離於陰翳冰靜波而火息焰力化樹而劍
為齋聖力弘施釋囚繫於三十六獄慈光浩
蕩實繫維於八十一牢闔行室以空虛破狴
開而清淨即使亡故某綸頌榮隆時耀黃埃
精爽飛流竟觀審林之境形神悅茂永辭金
粟之都善道遙遙福堂遊宴靈輿感靈之曲
陰庶宣德澤以旁流愆无及物之儀蓮開六
甲誓罄克誠之享辭演五申激切小忱勤渠
大造其不勝虔祝之至

終獻

具位某上啓

杜陰玄天鄴都大帝地府十宮具君冥關幽
路一切威靈伏聞帝有恩言常昭宣於道日

神无虐政期翊贊於玄廟與懷長夜之蒼生宜
藉陽晨之煥耀澤期萬一情罄再三母違上
天嚴攝之章庶應下民超凌之願香殘翠鼎
諒雲馭之將旋星散珠鎔想風興之欲返旌
旗雲逐雨薄星馳辭燁燁之女壇歸幽室之
黑闕莫殫控挽恪真鑒觀其不勝依戀之至
謹稽首再拜奉送

送聖

三官醮儀

法事同前

具位奉行其齋法事且其與臨壇官衆等同
誠上啓

太上无極大道上元一品賜福天官大帝君
中元二品赦罪地官大帝君下元三品解厄
水官大帝君三元三宮二十七府陰陽水火
生死罪錄官三元百二十曹仙官僚屬據佐
合會咸靈臣聞道判鴻濛二極分羅於二氣
政敷混洞三元列御於三靈範圍紫極之神
機統制玄都之化蒼威儀翼翼昭雨露以无
私憲令輝輝煥日星而有赫握司陰司陽之

柄秉主生主死之權聖德春融神威冬肅以今齋主其人開度亡故某提攜幽爽流演宸慈惟宣德裁成允藉三宮之仁徑而體道化育宣茲九府之慈觀爰陳蘋藻之恭恪寫靈葵之敬伏願雲與順動離玉闕之森羅風駟飛馳御瑤壇之燦燁千官兩集萬騎雲從鑿茲丹悃之誠俯賜玄恩之被且不勝激切之至謹稽首再拜奉請

請聖 初獻

具位某謹上啓

太上无極大道上元一品賜福天官大帝君。中元二品赦罪地官大帝君下元三品解厄水官大帝君三元三宮二十七府陰陽水火生死罪錄官三元百二十曹仙官僚屬掾佐合會威靈且聞紫微帝所天官總上於上真黑鬱神鄉地官統司於下界惟尾閭歸墟之境接扶桑賜谷之源越有水官共參神職班分上中下之品氣稟青黃白之靈九府蟬聯列曹魚貫各參機而佐理共贊務以同寅水火之考赫然陰陽之錄炳若今齋主某切慮

亡故某三生蘊業七世流愆指垂霓而唾流星斥疾風而喧暴雨未能三省每恣忤於神靈弗悟九思常議盟於仙聖即會之朝修之典元臘无懺謝之功時積歲滋散形神於二境日深月累凋性命於兩岐冰池炎沼以為

心劍樹刀林而致膽凡經校錄悉藉權衡故祈赦宥之恩希降拯提之澤清微妙氣已頒玉簡之春陽紫極真光更布金符之書素願宣帝今溥被真慈執籙把籍而丹筆書名宿愆滅對鼓節魔幢而黑門攝魄舊孽釋維俾辭永夜之幽寥獲證乘展而快樂香花荷燦霞液輝煌願容與於香庭庶昭宣於卑悃且不勝虔祝之至

亞獻

具位某上啓

太上无極大道上元一品賜福天官大帝君。中元二品赦罪地官大帝君下元三品解厄水官大帝君三元三宮二十七府陰陽水火生死罪錄官三元百二十曹仙官僚屬掾佐合會威靈且聞一氣流光著簡文於鳳籙三

真演妙昭品格於龍章皆自然教雨之敷實煥乎玄雲之隆齋儀告備壇律孔昭尤切切於升神每奉拳而度命凡有修奉豐謝扶持以今肇啓瑤壇祈恩金闕登真度品豈惟提正度之規起死回生所願澤无邊之爽伏冀

此輪在御鸞駕傾光教左右中三府之官聯告神真靈列曹之職守共揚帝澤各敏神威舊過新瑕為疾除於黑簿陽愆陰罪皆削落於玄編慈風提五咎之輪慧日絕三途之軌考對烟收於臬曲推研霧散於羅鄩悉登智慈之舟徑上虛靈之岸沾錫福惠俾經緯以長春沐赦罪恩看玄黃之不夜下元解厄上景凌雲竟親俱證於鸞林遐邇悉朝於蓮座蒙如丹禱允拜洪恩且不勝懇禱之至

終獻

具位某上啓

太上无極大道上元一品賜福天官大帝君。中元二品赦罪地官大帝君下元三品解厄水官大帝君三元三宮二十七府陰陽水火生死罪錄官三元百二十曹仙官僚屬掾佐

合會感靈_臣聞帝恩穆穆付科律於三官真
聽昭昭寬條章於九壘既登懇祈之切諒蒙
應感之私璧磬收聲香已飄於蘭篆瓊鐘息
響燭將散於蓮花徒輝技轄之勤莫挽回輶
之馭紫烟上下靈光輝煥於青冥彩仗後先
梵氣回旋於碧漢无涯懇禱不盡鋪陳_臣不
勝虔禱之至

送聖

鍊度醮儀

法事同前

具位奉行某齋鍊度_臣某謹同誠上啓
太上无極大道虛无自然元始天尊太上玉
晨虛皇大道君萬變混沌玄元老君九微太
真玉明青童大道君紫微元靈青金丹皇大
道君南極真王朱陵大帝玉清真王長生大
帝无上三十二天上帝至真九天生神上帝
五靈五老上帝日宮鬱儀帝君月府結璘皇
君南辰六闕道君北極九府道君十方至真
飛天神王南極度人不死尊神度世司馬大
神好生韓君丈人回骸起死无量度人君南

昌上官朱陵火府青玄黃籙左右真司九天
普度院仙官主宰鍊度應感合會感靈伏聞
靈寶開闢東極煥陶塊之妙神霄啓運南昌
昭鍊魄之玄承祖氣於清微散靈光於黃混
玄曹赫奕佐離坎之神功丹界森羅廓乾坤
之妙化提三途而陰暉開夜極六洞而陽景
秉晨性命雙超形神俱妙以今齋主某崇建
某齋開度亡故某返真黑鬱已銘紫極之恩
御景清虛靈藉朱陵之澤仰惟聖造實握靈
樞將肅演於芝科庸昭陳於菲薦伏望雲幢
月葆耀梵氣以來臨風騎烟轡御太虛而莅
止聽陳懇款共錫禎禧_臣不勝虔禱之至

請聖 初獻

具位某上啓

三清上聖十極至尊三景高真萬仙元聖鍊
度合會一切感靈_臣聞職履職載回靈昭起
死之仁司陰司陽鍊景沛度生之澤故朱火
星羅於仙局而黃華恭布於真條東井澄鮮
灌方諸之英粹南閭輝煥流陽燧之飛精降
九氣於一時生神運五靈而千齡度命玉符

景徹煥聚精會神之功金簡仙飛藉守雄抱
雌之力巍巍聖運赫赫靈通今齋主某心瀝
俗機身繫世網風翻定水凝暗垢於靈源雲
擾業山擁陰氛於覺地六情動而心珠塵蔽
五賊蕩而性玉埃浮等閑百體之分離倏忽
九幽之陷溺冥途寂寂鍊昏霧以幽家夜壑
茫茫閉迷烟而渺莽覆雲互汨晦盪交纏惟
知昧濁以驚心安悟靈虛而復性凡輪回於
五道絲顛倒於六塵非藉南宮陶治之陽光
曷淪北都羈維之陰暗紫泥煥令諒頒降於
真靈丹陛宣符願昭揚於神聖敬憶蟻佃豈
覲鴻私恪停前幕之威庸寓西隣之敬_臣不
勝虔懇之至

亞獻

具位某上啓

三清上聖十極至尊三景高真萬仙元聖鍊
度合會一切感靈_臣聞雲霞煥爛昭玉宇於
九清風烟輝煌金書於三洞切切寒池之
苦惱渠渠炎沼之煩寬甘露流華湛清涼而
浴質祥曦耀景廓矇昧以陶形實帝真化育

之恩藉仙靈裁成之力今齋主其願天聲禱
扣地勤拳承生德於紫虛提死魂於黃澤今
夕何夕謹遵鍊度之科此時彼時永遠超凌
之志伏願和同四象混化二儀玉兔東飛乘
戊龍而騰景金烏西邁策已虎以凝精左英

提鬱儀之輝右元鶴結璘之彩玉黃華之寶

井建流火之神庭接引陽靈為陶鑄於紫圻

提蒿陰英俾灌沐於幽塵九霄流鬱勃之光

五梵耀雁敷之粹還元返本俾萬竅以清明

養素回靈使百神而整真功該妙有道契虛

无疾乘保舉之功徑上虛玄之界鍊形成神

鍊神成氣永遊宴於玉京散形成氣聚氣成

形當飛翔於碧落庶戴岱溟之深惠不參與

蓋之玄功珠華光浮愧莫彈於葵藻翠華香

滿誠敢罄於蘋蘩願歆萬一之情恪副再三

之祝臣不勝虔祝之至

終獻

具位某上啓

三清上聖十極至尊三景高真萬仙元聖鍊
度合會一切威靈以今夜氣朗清靈輝煥映

玉杓影轉催夜漏之將中銀漢光騰映霄輪
之在上已鋪陳於壇席行召役於班聯願承
帝渥之慈悲不軫民情之憔悴死魂受鍊永
辭幽暗之鄉生氣登真常處光明之界當飛
朱表為證玄功法事周圍別當奉送臣不勝
懇禱之至

靈寶領教濟度金書卷之二十六

正一天師清微弟子 洪百聖 作
道教學術資訊網站

靈寶領教濟度金書卷之二十七 罪二

洞微高士開光救苦真人齊金真授

靈寶通玄弘教水南先生林靈真編

科儀立成品開度通用

分燈儀

步虛

高功詣三寶前

具位臣某誠惶誠恐稽首頓首再拜奏啓

玉清聖境元始天尊妙無上帝上清真境靈

寶天尊妙有上帝太清仙境道德天尊至真

大帝仰冀洪慈俯垂采錄切以朝輝燦爛煥

陽景於十華夜色朦朧藹陰氛於九野況三

途之沉滯與五趣之漂流業垢支離孰秉昏

衢慈悲之燭客塵束縛誰張迷途智慧之燈

終天不覩於光明浩劫永淪於幽暗是以玄

尊垂憫師寶興憐回耀飛光著瓊章之典式

燃燈度命昭金籙之威儀密假神輝用闡鬼

趣今有齋主某崇建某齋闋度亡故某羅敷

丹悃俯仗玄恩遵寶範以宣揚爾瑤壇而瓊

燦仰賴九光聖彩榮煌密映於蘭膏三氣靈